

**2022-2023 UKIUQ TAMAAT
UNNIUDJUTIT**

Qitiqqautijuq 1, 2022 – Qiqajjalirvia 31, 2023)

Pittiaqunahuarnirmun Havakti hapkununga
Nunavunmi Kavamatkunni Havagviinni

Sandra MacKenzie
Tukliq
Pittiaqunahuarnirmun
Havakti *Hikutirvia 2022 –
Qiqajjaluarvia 2023*

TITIRAQHIMAJUT ILUANIITTUT

| | |
|--|-----------|
| KANGIQHIPKAIDJUTIT | 2 |
| NAUNAJAUTIT | 2 |
| Havaarijakhait Pittiaqunahuarnirmun Havakti | 2 |
| Piniaqtaa Havaanga Pittiaqunahuarnirmun Havakti uvani 2022-2023 | 4 |
| Hunat PidjutiqaqtutIhuinaarutit | 4 |
| Qanuq Unnirluaqlugu Ihuinaaqtut | 6 |
| Hapumminiq AkiniarungnairniqmitQingigumik | 8 |
| 2022-2023 KIHITITAUTIT | 10 |
| Uqaqtaujut | 10 |
| Unniudjutit Ihipriurutinun | 12 |
| Kiutjutit Ministanut | 13 |
| INIQTIRUTAIT | 14 |

KANGIQHIPKAIDJUTIT

Havaarijaraluaara Tukliq Pittiaqunahuarnirmun Havakti, tunihiplugu iitngujuni Ukiuq Tamaat Titiraa Pittiaqunahuarnirmun Havaktianit Nunavut Kavamatkuni Havaktinginnut, atuqtaujumun hamanga Qitiqqautijuq 1, 2022 hamunga Qiqaijalirvia 31, 2023. Tujuqtara una unniudjut pihimajuq kangiqhidjutinik katitiqtauhimajut uvanga Tugliraatigut Pittiaqunahuarnirmun Havakti unalu Jeffrey Schnoor Q.C., pigaluaqtuq Havakti.

Uvani ukiumi unniudjutini piniaqtunga:

- Tunihiluni naunaijautinik havaanginun Pittiaqunahuarnirmun Havakti;
- Tunihiluni kangiqhidjutinik mikhaagun kitut havaktiqaqtut havauhiit Pittiarniliqijit Havaktia atuqtilugu una 2022 – 2023 unniudjutikkut ukiungani;
- Tuniniluni naittumik-naunaitkutinik hunaujunik pidjutit ihuinaarutit qanuqtullu unnirluktaujukhat;
- Uqatiaqtaujuq munariniganik manikhaqhiurutinik *Kavamani Havaktut Maligat* pipkaijuq kavamani havaktunut uqatiaqhimajunik ihuinaarutit; unalu
- Tunihijut nahautinik 2022 – 2023- unniudjutit ukiumi.

NAUNAIJAUTIT

Havaarijakhait Pittiaqunahuarnirmun Havakti

Pittiaqunahuarnirmun Havakti aulapkaijuq ataani Ilangani 6 uvani *Kavamatkunni Havaktinginnun Maligaqmi* ("**una Maligaq**"), atuqtauliqhuni Qitiqqautijuq 1, 2015.

Pittiaqunahuarnirmun Havaktiup havaanga pijauluni ihivriuqlugillu unnirluutit ihuinaarutit uvani Nunavunmi kavamatkunni havagviinni. Tapkunani ihuinaqtut

nalvaunini, tamna Pittiaqunahuarnirmun Havakti aturahuaquijuq hugiarni tapkuat ihuinarnit. Pittiaqunahuarnirmun Havakti tunivaktuq qajangnaittumik qanuriliurutikhanik havaktinun Nunavunmi kavamatkunni havagviinni uqautiginikkut ihuinaarutimik ilitturipkaqtitaudjutimiknik ilitturijaami.

Piniaqtaa Havaanga Pittiaqunahuarnirmun Havakti uvani 2022-2023

Atuqtilugu Qitiqqautijuuq 1, 2022 hamunga Qiqaijalirvia 31, 2023 unniudjutikkut ukiuq, malruk attautit havaarijaat Pittiaqunahuarnirmun Havakti.

Jeffrey Schnoor, Q.C., havaarijaa Pittiaqunahuarnirmun Havakti hivulliqpaani kaffiujuni tatqiqhiutini uvani 2022-2023 maniliqinikkut ukiungani. Una havaakhaq qitqanit-Hikutirvia 2022, humi havaakhaq havaarijauliqtuuq umanga Sheila MacPherson.

Uvani Qiqaijaluarvia 8, 2023, Sheila MacPherson tikkuqaqtauhimajuq ihumaliuqtiubluni hapkununga Supreme Court of Northwest Territories. Talvuuna mikhaatgun, havaffaagiaqaqtukhaq talvanga havaami taima Pittiaqunahuarnirmun Havakti Nunavunmi. Havaqatigijara Sheila MacPherson Tukliujumut Pittiaqunahuarnirmun Havakti qitqani-Hikutirvia 2022 unalu Qiqaijarluarvia 2023.

Hunat PidjutiaqatutIhuinaarutit

Malikhugu una s.38(1) uvani *Maligami*, ihuinaaqtuuq naunaiqtauhimajuq qujaginnanik hapkuninga havagutimi havaktimin havagutigijamini uvani kavamatkunni havaktimini pidjutaani:

- (a) ihuinaarniq umani Maligarmi Maligaliurvingmi, Maligaliurjuarviliqivingmi Kanadami maligaliqidjutigijaujutuunniit avikturviinni, aviktuqhimajuniluunniit ukiuktaqtumi, maliguaraqhaliuqhimajumikluunniit kituni Maligait;
- (b) malingittuuq pitqujaujunik Ministamin, Minista munariniqaqtuuq *Kiinaujaliqinikkut Titiqqiviliqidjutainnut Maligat*, Kiinaujaliqijit Munaqtiit Katimajitaluunniit ihumagidjutiplitik munaqtiliqinirmun havaktiinnut tamajanutlu kitumik havaktii munaridjutiaqtaannik;
- (c) ihuittumik atuqtauningit inungnut maniliqtuutikhat imaaluunniit inungnut tamajainnik;
- (d) takunnaqhuni ihuittumik munarijaujut aturniit inuit piqurait unaluunniit ikajuutiikhait kitut havakti munarijaqhaqaqtut, ilaujut hulidjutit pingitainik takudjutipliti ihumagingittut ihuaqutigijait munaqhinikkut inungnut

piqutainik ikajuutikhanikluunniit;

- (e) uumilruqhaijuq uqamaluktuq ningakkumilluunniit kinamun inungmut havaktiungittumun ihuinaarunmik inungmut pilaarutainut nungmun ikajuqtaujumajumut ikajuqtaujuqluunniit naunaqtakhat ikajuutikhainnik qujanginnak havagvingmit timiujunitluunniit;
- (f) maligat uvaluuniin ilaungituq tamna pidjutiqaqtuq angijumik uvalu kitunun qajangnautit inuuhirmun, aanniaqtailinikkut uvaluuniin qajangnautikkut inungnun, uvaluuniin nanminiaqqtunun piqutinun, uvaluuniin nunamin

avatikput, aalat qajangnautit tamna idjuhiqaqtuq havauhianun havaktakhanun uvaluuniin auladjutainun havaktimut;

(g) (g) ihuinaaqpiaqtuq talvuuna Maligakhat Uppirnikkut Ihuaqtuuqutikkullu;

(h) qanuriliurutingat uvaluuniin akiniarlugu havaktimun uvaluuniin aalamun inungmun;

(i) tukhiqtaujuq, pitqujaujuq piumaqunahuaqhutikluunniit tiliuqtimin an'ngajuqhiminluunniit atan'ngujarmit havaktimun havaktiminluunniit aallamut ihuinaaqplutik taapkuatut titirarhimajut qulaani.

Qanuq Unnirluaqlugu Ihuinaaqtut

Ilanga 40(1) uumani *Maligarmi* titiraqhimajuq havauhiq tapkua havaktut maligahait uqautigijumagumik ihuinaarutit. Uqaqtinatik, havakti hivuliujuq ihuaqtumik akhuurutinik unniudjutigilugit ihuaqtunun atangujanun kavamatkuni. Ukua ilaujut:

- angijuq at an'ngujaqtik;
- Tuglia Ministam tuglia atan'ngujamut;
- Tugliq Minista Havaktuliqjiikkut Havagviani
- qujaginaq aalat Tugliq Minista kitut ihumajuq ihuaqtuq.

Uqautaujumi Uiguani 40(5) uumani *Maligarmi*, havaktuq uqalaaqtuq ihuinarunmik aalanik inukmik ihumakpata pijariaqarniganik atugitaagani aanirutaulaaqtuq inuuhiqmi, aaniagitaagani, aanningitaaganiluniit inungmik pinahuarumiluniit ihumalungnarninganik piqutimut avatajumiluniit.

Taimaa, taimaa 30 ubluni naunaipkaininnganik, havakti ukpiringitaa atan'ngujat kavamatkunni havaktut nakuujumik talvannga pijakhat ihivriuriami ihuarhigiamilu unniudjut, tamna havaktuq uqaqtaqtuq uumunnga Pittiaqunahuarnirmun Havaktinganut. Pittiaqunahuarnirmun Havakti ihivriuqhiniaqtuq kinguagut apiqhuutaugumik naunaiqhiluni ihuinaarnahugijaunirmik, naunaiqtauqpat, aktilanganik ihuinaarutinut. Imaaluttauq, Pittiaqunahuarnirmun Havakti ihumaliuqtaqtuq nallianik imaa:

- pinahuarluni ihuaqhainahuarlugu ihumagijaujuq;
- takulugit pidjutaujut ahiagut ihuiguuutinun ihuaqhaidjutinun;

- apiqhuruirumik, ihumaliurluni tamna ihivriurniq ihariagijaungittuq ihuangittuqluuniit talvuuna mikhilaaqtuq ihivriuriami; unaluuniit
- ihuaqhaqulugu ihumagijauvakhimajuq allanun ihuaqtunun akhuurutiaqtunun.

Pittiaqunahuarnirmun Havakti piqaqtuq angijunik atanniqtuidjutikhanik ihivriughinikkut katiqhilitiklu naunaitkutunik ilaqaqtuq, kihimi kikliqangittuq ukununga, pauwaliqidjutunik atauttikkut tautukhimajun ihariagiplugillu tuninikkut naunaitkutunik, atanniqtuidjutiniklu ihariaginirnik titiqqanik havaktaujaanginnun. Pittiaqunahuarnirmun Havakti ihivriughimatilluni, itiinnariaqaqtuq qujaginnanun iglunut najuqvigijaujuq havagvingmin kavamatkunnilluunniin timiqutigijaujunin. Pittiaqunahuarnirmun Havakti ihumaliurniaqtuq ihivriugutikhaa hiamitiqhimaittumik inuqarnirmiluniluunniit. Tugliujuq atan'ngujaq havaqatigiittiartakhaa havaqataitlu piqulugit havaqatigiiquplugu ihivriuqtaannik Pittiaqunahuarnirmun Havaktimin. Taimailiungitkumik ihuinaaqtut akiligarhaqangniaqtullu

\$10,000. Havakti tunihijukhaq kangiqhidjutunik pijakhanik hapkunanga Pittiarnikkut Havaktimin. Taimailiungitkumik ihuinaaqtuq akilirarhaqangniaqtuqlu \$5,000.

Hapumminiq AkiniarungnairniqmitQingigumik

Tamna *Maligat* titiraqhimajuq tapkua havakti pidjutiqangituq qujaginaq akiniangnikkut uvaluuniin akiliffaarnikkut uqautiginikkut. Maligaq akiniagut inungmut ilaujut:

"qanurittunik huliniq, ikhitaarniq uvaluuniin taimaaqtilugu, atpaniitumut nuutiqtitaujuq, anitaujuq, anipkainikkut, iqhitaaqhuni, iqhitaaqhijuq, iqhitaaqtaujuq, taimaaqtitlugu kantulaak taimaatut inuk ilaujuq pihimaitumik, aularutiluni maligatigut hulidjutainun, pipkailuni ihuinaarutimik uvaluuniin aalat ihuinaarutit uvaluuniin ihuinaarnikkut inungmin taimaali uqautiginikkut ihuinaarutimik imaa inuk uvaluuniin taimaali inuk ikajungman ihivriurutinik

uqautiginikkut aalamin inungmin.”

Havaktiit unniutiinnariaqaqtut ihuigijaujaannik Pittiaqunahuarnirmun Havaktimun ukpiguhukkumi inmi akiniaqtauliqtuq; pitquidjutiqangittuq taimaatun iluanin unnirlungniq ihumagijaujumi akiniaqtaulirniq hivulliqpaakkut uqaqtaujukhaq. Pittiaqunahuarnirmun Havakti ihivriuqtakhaa ihuiginiq aajikkiiktumi taimaatun ihivriurniaqtaa unnirluutimik ihuinaarutimik.

Pittiaqunahuarnirmun Havakti inikiqtaa akiniarnikkut ihuiginiq ihuaqqat, ihuaqtumik anullaqhiidjutikhamik hulijukhat pijukhat inungmun akhuuqtuq akiniarnikkut aadlaniklu hulidjutikhanik pitqujaujumik Pittiaqunahuarnirmun Havaktimin piniagungnaqhijuq havagutigilugu qujaginnait tammarniit huqpaluktaunikkut naglikhaaqtuq inungmin ihuiguhuktumin. Akilgakhaqaliqtuq imaatut aktigijumik \$10,000.00 qanuriliurutainut akiniarnirmun.

Huminlu hulidjutiuhani Pittiaqunahuarnirmun Havaktia pitqujainnik pingitpatta, ihuagijaujumi tugliujuq atan'nguqaq Ministalu naunaijautikhaqaqtukhat Pittiaqunahuarnirmun Havaktimun naunaiqlugitlu kitunik hulidjutikhanik, piqaqqat, piniaqtut kiudjutikhanik pitqujaujuni.

Aallanik ilitturipkaidjutikhat pidjutiqaqtut havagutainnik uvani Pittiaqunahuarnirmun paqintauttaaqtuq uvani Nunavut Kavamatkunni qaritaujakkuurutaani:

<https://www.gov.nu.ca/human-resources/information/ethics-officer>

2022-2023 KIHITITAUTIT

Uqaqtaujut

Titiraqhimajuq qulaani, havaktit hivulliujuq iluani hiamitiqtut ihuinaaqtut uqautigitinagit haffumunga Pittiaqunahuarnirmun Havaktimun. Havagviinni havaktiit ilitturipkaijukhat Pittiaqunahuarnirmun Havakti iluani ilitturipkaidjutinik, kihimi Pittiaqunahuarnirmun Havakti piittuq nunagijaujumun ihivriuriami uqaqtaugumik pijaukpat Pittiaqunahuarnirmun Havaktimun, qaan'ngiutikpat 30 ni ubluni qaan'ngiutikpat iluanit uqaqqat.

Kihititiruit Jeffrey Schooner Q.C., Qitiqqautijuq 2022-Hikutirvia 2022

Saivaujut uqaqtaujut Uumunnga Pittiaqunahuarnirmun Havaktimut, unalu hitamat hivumuuqtitaujut aippaanganit.

Ihuinaarniq nalvaaqtaungituq malrungni uqaqtaujungni.

Pittiaqunahuarnirmun Havakti qingijuq ihivgiugiangani pingahut uqaqtaujut taimaali pihimangitut akuliangnun aktilaanganik *uvalu ihivgiugutait malguk uqaqtaujuk*

taimaaqtitaujut ihivriuqtaungmata pinghuanit ilaujunit.

Naunajautit hamanga Sheila MacPherson unalu Sandra MacKenzie, Hikutirvia 2022-Qiqajjalirvia 2023

Atauhirmik uqaqtauhimajuq ihuinaaqtumik malikhugu ilangani 40(2) maligarmi. Saivaujut tukhiutit uqaudjidjutikhanik atani s.39(3) *Maligarmi*.

Ukunanga saivaujunit tukhiutit uqaudjaujikhani, pingahut GN-kuni havaktiungittunit, talvuunalu ihumaluutigijatik hilataaniittut nunagijaujunit Pittiaqunahuarnirmun Havaktiup.

Atauhiq tukhiut piliuqtauhimajuq havaktimit tunihijuq amigaittunik titiqqanik Pittiaqunahuarnirmun Havaktimun, kihimi ihumaaluutin uqaqtauvaktun ihuinaarnahugijaunikkut ihuittunik havagutunik havagvingmi taimailimaitpat, itqumakpat, aktilaanganun ihuinaarutinun. Talvuuna, hapkuat ihumaaluutigijaujunit pilimaitait nunagijangani uumannga Pittiaqunahuarnirmun Havakti.

Atauhiq tukhiut piliuqtauhimajuq Pittiaqunahuarnirmun Havagvingmun mikhaagun havagutimi unnirlungnikkut, hiamitiqtaulimaittukullu uqaudjutinik tunijauvaktuq, kihimi unnirluutimik piliuqtaungittuq havaktimin malikhugu ilangani 40(2) Maligarmi.

Malrungni qanuriningni, kinguani hivulliq tukhiutit uqaudjinirmun, havaktit kiungittut tukhiutinik hapkunanga Pittiaqunahuarnirmun Havakti aallanik naunaitkutikhanik.

Tamna hiamitiqtaujuq ihuinaaqut pidjutiaqut ihivriughiluni pingahuujumit ilaujunit taimaa ajurnarmat atulihalimat 2023-2024 maniliqinirmut ukiungani. Naunaitkutaq pidjutit uumannga unniudjutit kitullu pitqujaujut uumannga unniudjut ilaliutijukhaq uumani 2023-2024 ukiumut unniudjut.

Unniudjutit Ihivriurutinun

Uvani 2022-2023 unniudjutikkut ukiungani, Una Pittiaqunahuarnirmun Havakti tunijaujuq pingahuujunin ilaujunin ihivriungnikkut unniudjutinik. Tamna tuhaqtitiniq pipkaidjutijuq ihivriurnirmut piqaqtuq ihuinaaqtunik ihuittumik munariniq inungnut tamajangit ikajuutingilluuniit pidjutiqaqtut kavamatkunnut havauhikhaq. Imaalu, ihuinaarnahugijaudjutit piliuqtauhimajut ihuinaarutit GN-kut Maliqjaujun Uppiridjutinik.

Pittiaqunahuarnirmun Havakti uqaqatigijaujuq tuninikkut pitquidjutinik tunnganiqarhuni ilitturijauhimajuni unniudjutimi. Pidjutigiblugu ihuigu hutikkut piumanikkut, kihimi, Pittiaqunahuarnirmun Havakti pitquijuq tapkua Kavamatkut Nunavunmi ihumagijait tikkuqaqhilutik Taijauhimajumik Pittiaqunahuarnirmun Havakti ataani s.78(1) *Maligarmi* pijaangani uvani Pittiaqunahuarnirmun Havakti pittiarinikkut tunihilutik pitquidjutinik.

Pitqujaujuq tikuaqhiluni Taijauhimajumik Pittiaqunahuarnirmun Havakti tunijaujuq hapkununga Kavamatkunun Nunavunmi kinguani umikniatigut uuma unniudjutip ukiuq, qujaginaq hivunikhat kangiqhidjutit mikhaagun una unniudjut ilaujukhaq uvani 2023-2024 ukiumi unniudjutit.

Pittiaqunahuarnirmun Havakti tunihimajuqlu tuklirmik talikkut-hivitujuunik ihivriuqhinikkut unniudjutimik. Tamna unniudjut piliuqhimajuq naunaijaqtanginnik pimmariktumik pijuuq ihuinaarnahugijaujumit havaktimit kitunut GN-kut Havagvingat malingitait ihuaqtut niuvirnirmut atugakhat. Pittiaqunahuarnirmun Havakti tuningittuq pitqujauhimajunik tunijauhimajunik ilitturihimajainnik ihivriuqhinikkut unniudjut.

Kiutjutit Ministanut

Atuqtilugu 2022-2023 unniudjutikkut ukiuq, Una Pittiaquvingmi Havakti tunihingituq qujaginaq naittumik kiudjutinik Ministanun pitquidjutinunluuniin.

INIQTIRUTAIT

Tugliugaluaq Pittiaqunahuarnirmun Havaktiupluni, qujagijumajatka angajukhiit havaktiit Nunavut Kavamangani Havaktuliqijikkut Havagvia ikajungmata ikajurnikkut Pittiaqunahuarnirmun Havaktiit havagutiginiikkut havagutiminik.

Pittiarnikkut tunijaujuq uumannga,



Sandra MacKenzie Tukliq
Pittiaqunahuarnirmun
Havakti Hikutirvia 2022 –
Qiqaijalarvia 2023

Ublua: Tattiarnaqhilirvia 3, 2023